

պէս առաջի բոլոր Հոգեւորականացոյ զայս վաղեմի հայրենաւանդ կարգաւորաց վայելուչ բարեկարգութիւնս եղեալ ծանուցար, և Հոգեւոր Ժողովով մերով հաստատին յայտնեցաք: Ուստի սիրովն Յիսուսի Քրիստոսի յորդորեմբ զամենայն կարգաւորսդ ընդ մեզ նախանձաւոր սուրբ կրօնից գտանիլ, և անխափան զայս գեղեցիկ կանոնս՝ նախնեաց մերոց ընդ այլ պարտուկատշաճ կանոնաց եղելոց ի վերայ կարգաւորացս պահել, և պահել տալ ջանասիրեսցիք յորդորանօք՝ խստիւ՝ և սպառնալօք:

Որ և ըսող և կատարողքդ ըստ գրութեանս կացցիք ողջ և անփորձ փառաւորեալ ըստ հոգւոյ և ըստ մարմնոյ ի պարծանս լրութեան Աղգիս և յօգուտ սրբոյ Եկեղեցւոյ մերոյ յաւիտեանս ամէն:

Գրեցաւ խրատական կոնդակս 1851 հոկտեմբ. 15.
 Ի Պատրիարքարանս ամենայն Հայոց: ¹⁾

Ս. ՆԱԶԱՐԵԱՆԻ ՆԱՄԱԿՆԵՐ

Յամի 1846 ի Նոյեմբերի 26.

Մեծապատիւ և գիտնական Եփրեմայ Ասպետ վարդապետի

Ս. Նազարեանց խնդալ յարգանօք:

Զգրեալդ ի 30 թուականէ անցելոյ Հոկտ. ստացեալ մեր անկորուստ 50 արծաթով հանդերձ, սակաւուք պատասխանի ձեզ առնել ոչ դանդաղիմք, մանաւանդ զի և զայս իսկ ի ձէնջ աղաչիմք՝ առանց թողացուցանելոյ հարուստ ժամանակի ի մէջ անկանիլ:

Զբանակութիւն ընծայելոցն առ ի տեսարց լազարեանց որ ի տպագրութիւն համառօտ իմոյս աշխարհապատու մատենի անգիտացեալ մեր ապաքէն՝ զի ոչ որ յայտարար այս սորիկ մեզ գտաւ, և ոչ իսկ գուշակել մարթացեալ թէ բանի՝ ինչ ի հաւաքելոցն առ ձեզ յուսմէ՝ առեալ եղև, յանել բաւիղ տարակուսանաց ցայսօր գտանէաք պարանեալ. և ոչ չափ ինչ. այլև ծագեցան մեզ սլոլուստեք անլուծանելի

¹⁾ Այս կոնդակը ստացել ենք մեծ. պ. Ա. Երեցեանից: Ծ. Խ.

դժուարութիւնք: Քանզի ճեմականն Բրօսէ՝ որում յանձն եղև ի դատ և ի կշիռ մատուցանել զաշխատութիւն մեր զայն, առ ի թոյլ տալ տպել զնա արքունի ծախուք, արգել եղև գործոյն յառաջատուութեան՝ մտացածին պատճառաւս պատճառելով, որպէս զի ոչ գիտել մեր տակաւին զճար լինելն և զինչ գործին ընդ մերումս երկասիրութեան ոչ այլ ինչ մնայր մեզ հնարաւոր, բայց միայն ի կարգի եղեալ զառաջին ուրուական մերոյս աշխատութեան, անձնական ծախուք ի տիպ զայն մուծանել. այլ և առ այս՝ անբաւական զմեզ արարին պատուական բարեկամք՝ թեթեւ մտեալ կարծելով՝ եթէ հնար ինչ իցէ 50 արծաթով ձեռն ի գործ արկանել, և զանձանցն միայն խնդրելով, այլ ոչ զօգուտ իմանալի՝ զհայրենի ազգին: Ծաւեցուցանեն զիս այո գնացք ձեր ընդ մեզ, և ոչինչ գովութեան արժանի զձեզ կացուցանեն. ես՝ որ ծանրաբեռնեալս եմ ընտանեկան հոգօք և այն ի թաթարեանն Ղազան՝ ուրկեցութիւնն մարդօրէն պէտս ունի բազմաց, խղճայցեմ ապաքէն ըստ ձեզ ընթանալ ընդ այր մաշեցուցանող զկեանս իւր վառն հասարակացն օգտի, և այն՝ անվարձ յամենայնի: Այլ դժբայր անկին և բազմօք լաւ ևս բան զիս հոգացեալ յառատութեան տեարց Նազարեանց...: Թողումք ատանօր ի պատեւրազմ ընդ ձեզ կաքաւել, ըստ որում ոչ ինչ մեզ յախորժականացն՝ թէև է արդարացի պատճառ՝ խոռովել զանդորութիւն սրտի մերոյ:

Յընթացս երկց արդէն ամաց ստացեալ ի ձէնջ 50 արծաթ միայն յընծայելոցն ի տեարց Նազարեանց հարիւրոյ, մնայաք, սպասէաք ի պատրաստի լինելոյ այլոյ երկասիրութեան՝ զոր մարթ էր դիւրագնոյ ևս ի տիպ արձանացուցանել. այլ և այս հանդիպեցաւ այլազգ բան զոր կարծէաքն: Վշտացեալ ամենայն ուստեք, չքաւոր ըստ չափ, և այնպէս հարկադրեալ գտաք բառնալ ի բերանոյ ընտանեաց մերոց 120 մանէթս՝ առ ի տպել զաշխատութիւն մեր՝ որ առաջիկայ է ձեզ ի Ս. Պետերբուրգ: Թո՛ղ գտաժանութիւնս մեր անթիւս համարաւ՝ զորս չէ՝ ապաքէն ձեզ դատել: Զխնդիր ձեր՝ հատուցանել ձեզ զմուրհակ վճարեալ դրամոցն մինչև ցայսօր, ո՛չ այլազգ կատարել հնարաւորիմ՝ բայց միայն ստացեալ ի ձէնջ զմնացեալ 30 մանէթսն. վասն

զի ցոյւնափ յերկար անագանեսցին դոքա, անչափ իսկ յերկար մնայ ընծայատուացն սպասել ստանալոյ զստհմանեալ բսան օրինակսն մերոյ աշխատութեան՝ որ շարագրեալ ի Ռուս լեզու՝ իբրև տեսութիւն դպրութեան Հայոց ի նոր և ի նորագոյն ժամանակս, և՛ հասկանալի և՛ անորժ ևս ունիցի լինել Հայոցդ մերոց։ Իսկ որ հայի յօրինակսն՝ զորս պարտականութիւն է մեր հասուցանել առ Լազարեանս (սոքա ստացիտլ են արդէն երիտ), եթէ միայն կամեսցին, և յալն ամենայն. զայդ՝ անձամբ վճարեսցուք. վասն զի ոչ կամելով նոցա զաշխատութիւնս զայս համարիլ մեզ փոխարէն ընծայելոյն իւրեանց, յայնժամ կա՞ղմ և պատրաստ եղիցուք փութացուցանել առ նոսա զՀոգեպատում մատենան մեր գրչագիր՝ որ փոքր մի ևս և լիցի աւարտեալ։

Ս. Լազարեանց պատուարժան Եփրեմ վարդապետի
Խնդրալ.

Սակաւ ինչ ոգի առեալ յանդուլ յայսկոյս և յայնկոյս շարժողութեանցս՝ փութամ ծանուցանել պատուակահարի՝ թէ յամսոյս 26 թուականի ողջ և առողջ ժամանեցաք ի Մոսկվա ի չորրորդ ժամու զկնի միջօրէին։ Իջեան իմ է ի տան նորին բաջափայլութեան տեառն Լազարեանց, ուր և կերակրիմ ազատաբար՝ պաշտեալ պառչաճապէս ի ծառայից արագաշարժից և դամենայն ինչ առանց և իմ, ազդելոյ բաջ տնօրինողաց։ Չմեծ մասն ժամանակիս հանեմ առ այլս արտաքոյ բնակութեանս, երբեմն առ պատուական բեռ Բրիտանիոյի Լազարեանց տիկնոջն Նելիսարէթի Յովակիմեան, իսկ երբեմն առ այլս ի Հայկազանց մերոց՝ աստ բնակացելոց։ Ստացոյ այսօր զպատասխանի խնդրոյս ի Բրիտանիոյի Լազարեանց՝ որ հաւան է կայդել զիս ուսուցիչ պարսիկ և արաբացի դպրութեան՝ յանձնելով ինձ ընդ նմին և դասատուութիւն լատինականին հանդերձ լի կատարեալ թօշակօք, որ է յամին 1360 մանէթ. առանց օթեանի։ Եւ ես չեմ ինչ այդմ անհաւան և ոչ իսկ հոգամ զիմս առանց օթեանի լինել. վասն զի այդ ամենայն յաւելցի ինձ այլով ճանապարհաւ. և բաբեկամք մեր այսր հոգ տարցին

այդմ փոխարինելով շնորհս ընդ շնորհաց յիմոյս կողմանէ՝ որով և ձեռնհաս իցեմք, այն է դաստիարակութեամբ Հայ մանկաւոյն: Յաւուրս յայսոսիկ այցելու եղէ դպրոցի Լազարեանց՝ առաջնորդելով ինձ տեառն Գրիստափորի Լազարեանց, տեսի զցուցակ ասիական գրիւնոյն՝ յուսուած արեւելեան լեզուաց կարգելոց. գտի բազում ինչ հայթաթեալ արդէն, և բազում ինչ ոչ տակաւին: Քաղցր եղև ինձ ի լինելս ի մէջ Հայոց մերոց տեսանել դէմս պայծառս և ուրախս, ոչինչ հոգացեալ զոմանց կեղծաւորութիւն կամ զվերին երեսօք միայն բարեկամասիրութիւն: Մինչև ցայսօր չէ ստացեալ իմ նամակ յընտանեաց մերոց՝ որ ի Դօրպատ՝ որում կարօտակէզ սպասէ սիրտ ամուսնոյս և ծնողիս համանգամայն. եթէ զայն ստացեալ իցէ բո յանուն իմ, փութացուցանել աղաչիս՝ պատրուակ նամակիդ գրելով օրինակ զայս. ВЪ армянскомъ переудокѣ въ домѣ госп. Лазаревыхъ: զանուն և զաստիճան իմ գիտես և առանց իմոյս ծանօթաբանութեան: Ընդ լսելն զիմա արձակուած ի պաշտամանէ նախարարին աղգային լուսաւորութեան, կանխեցիք ի Ղազան առ ի կարգի դնել զգործս իմ և տալ բերել զբաշտմահատոր մատենան իմ ի Մոսկվա: Ուրախ է սիրտ մեր տեսանելով զմեզ շուրջ պատեալ ի հայկազանց, թէպէտ զբազումս ի սոցանէ ոչ ճանաչեմք տակաւին, թէպէտ և ցանկամբ ճանաչել սրտի մտօք: Տեղի տացցէ այժմ առելութիւն և տարրասցի ի մէջ մեր ոգի սիրոյ և հայրենասիրութեան. ա՛յսպէս և ո՛չ այլազգ դեղ դարմանի գտցէ իւր խոցոտեալ ազգ մեր: Բժիշկն մերձ կայ. կացցեն և ախտացեալքն. բայց որ բժշկէն, բժշկէ յանուն Հօր և Որդւոյ և Հոգւոյն սրբոյ և ոչ յանուն սատանայի և արբանեկաց նորա: Ողջունեցի ի Քէն զպատուելի Մսուրն և զաւագասարկաւագ Յաւուրութիւն Կեօքէ-Ալամդարեան. ողջունեալքն ի քէն ողջունեն զքեզ զնոյն ողջոյն սիրոյ և յարգանաց:

Ո՛ղջ լեր և անմոռաց զիս պահեալ

զհարազատս քո

զՍտեփաննոս Նազարեանց:

Ի յուլիսի 29 թուականի

յամի տեառն 1849

ի Մոսկվա.

Մեծապատիւ և յոյժ սիրեցեալ բարեկամի մերում

Տեառն Եփրեմայ Սափարեանց

Բազմասցի՛ ողջոյն սիրոյ և յարգանաց

Իմ առ ձեզ բազում մասամբք և օրինակօք շնորհապարտութիւն վասն բարեկամասիրութեանն առ ի ձէնջ ցուցելոյ առ ամուսին իմ ի Պետերբուրք, առաւելու ապաքէն և յարգելի նամակօք ձերովք՝ ժամանակաց ի ժամանակս առ իս ժամանելոյ և՛ զոր ամաչեմ ասել՝ անպատասխանի առ յինէն մնացելոց, ոչ նկատմամբ և ակործելով, այլ յոչ կամաց՝ առ զանազան իրողութեանց ներքնոց և արտաքնոց՝ խափան ընդ մէջ անկելոց:

Յանձն եղեալն առ ի ձէնջ իմումս անօտրութեան պատանին Գանջիեվ առ նուազ յառաջագիմութեան իւրոյ ի մութեմութիբական ուսմունս հարկաւորի յամի յայսմիկ մնալ ի վեցերորդ զիմնազիական դաստան, և այսմ գուցէ թէ հնար էր ճարակ մատուցանել, եթէ Գանջիեվ պատանիդ յառաջագոյն ծանուցեալ էր ինձ զիւրոյն տկարութենէ յառարկայիդ յայդմիկ, առ ի բարեխօսել վասն նորա առ ծանօթն մեր վարժապետն չափաբանութեան, պարոն Նովիցկիյ. բայց զի խօսեցայց արդարութեամբ. փնաս ի մնալոյ պատանւոյդ ամ մի երկար ի դպրոցիս հասանիցի դմա և ոչ մի, վասն զի դեռ պատանի է դա:

Մնայ ինձ այժմ խօսել ընդ ձեզ զոմանց իրաց անձնականաց. առ որս հարկաւոր տեսանի բարեկամական գործակցութիւն ձեր. կամք են իմ ի տիպ մուծանել զերկասիրութիւն իմ՝ մակագրեալ «Հոգեբանութիւն համառօտ» հանդերձ երկայնախօս յառաջաբանիւ զոմանց կարևոր խընդրոց մերոյս ժամանակի առ ի հայոց ազգէ, ուր առանց աչառութեան և երեսպաշտութեան ճառ լինի զգրոց լեզուէ հայոց և զնորոյն, զպիտանութենէ նորոյս դպրութեան, նոյն և զանփոյթութենէ հայորերոյ զկազմակերպութենէ աշխարհիկ լեզուին, որպէս զի իցէ կամուրջ և ճանապարհ լուսաւորութեան, որպէս առ եւրոպէացիս: Զայս աշխատութիւն առաքեցաք առ Խրիստափօր Եակիմիչ Լազարեվ՝ խնդրելով ի

Նմանէ հոգ տանել վասն դատաքննելոյ զայն առ ձեզ. և յայտ է ապաքէն, թէ մի ի դատաքննողաց իմոյս աշխատութեան լիջիք և դուք, բաց յայլոցն, որպիսիք մեզ թուին Ասկարխանեանն, գուցէ և, ծերունին Խուրաբաշեան և նմանիք: Այո՛ չէր ամենևին տեղի խնդրանաց և պաղատանաց անդ՝ ուր խօսէր բերան անկաշառ արդարութեան, բայց առ Հայոս մեր խիթալի են միշտ բանք արդարախօսին, կեղծաւորութիւն և ստախօսութիւն և շողմաբանութիւն նախամեծար պաշտին և վարձատրին, մինչ արդարախօսն և ստոյգ հայրենասէրն ոչ միայն անվարձ մեայ, այլ և բամբասեալ, հալածեալ և անարգեալ դատապարտի: Աստ ուրեմն հարկաւոր է պաշտպանութիւն արդարասէր բարեկամաց առ ի ոչ թէ յաղթող հանդիսացուցանել զճշմարտութիւն, այլ գոնեայ առ ի տալ նմա անցանել յասպարէզ հրապարակի, ուր ամենայն ոք կարիցէ փորձել զնա և ընդունիլ կամ չընդունիլ: Զոր ինչ խօսեցաք ի յառաջաբանին՝ զբաղմաց ի մերայնոց ունի խոցոտել զսուտ անձնասիրութիւն. բայց անարատ է խիղճ մտաց մերոց առաջի Աստուծոյ և մարդկան. զոր ինչ ասացաք, սիրելով զազգն և ցանկանալով նորին բարւոյ ասացաք և ոչ զոք թշնամանեալ գիտեմք: Զոր ասեմա, ինքնին բացափայլեալ տեսչիք յամենայն ի բանս մեր, միայն թէ ազատ յամենայն ի կանխակալ վարկածից ի բնութիւն իրին գալ ակորժիցիք: Ի ցանկալեացն էր ինձ յոյժ՝ տեսանել փութով զհնարաւորութիւն տպելոյ մատենիդ որոյ կարեւորութիւն և օգուտ չէր այնքան ի հոգեբանութեան անդ ամիսիեալ, որչափ ի յառաջաբանին, ուր կարծեմ զառաջինն հայք լսել ունին թէ որպէս ընթացաւ եւրոպա և եհաս գերագոյն պոսոցիկ բարգաւաճանաց, որովք բարձր ի գլուխ բան զամենայն ազինս պանծայ: Որպէ՛ս և է դատ և դատապարտութիւն բանագէտ արանցի ի Պետերբուրք առ մերս վաստակ բազմադաժան, աղաչեմք զձեզ փութալ յայտնել մեզ, մինչ այն հասեալ իցէ ի ձեռս ձեր և այլոց՝ թէ զի՛նչ համարուամ իցէ զգործոյ աշխատաւորիս:

Նորութիւնք ի դպրոցիս են. հանուամ Զինովել Ռուսին ի պաշտամանէ տեսչութեան և փոխանակ կարգումն պարոն Էմինայ առ այդ պաշտօն. իսկ զիս պարոն Լազարեանք անարժան այլմ տեսին: Ոչ բարկանամ ի վերայ գոցա, զի ոչ

Ճանաչեն զխտիրն ընդ իս և ընդ դա. հաստ ու բարակ մի
գնի, վա՛յ գայ բարակ մանողին:

Ողջունելով զձեզ ի դիմաց ամուսնոյ իմոյ և երեխայից

Մնամ պատուականիդ անփոփոխ սիրով

Հարազատ ձեր

Ս. Նազարեան

Ի 10 Սեպտ.

1850

Ի Մոսկվա

